

原州雷動

丁酉兩司論金承寶李承豪推鞠依律三啓不允○上御晝講
○兩司又啓申秀涇拿推事不允○日暈兩珥冠重暈

戊戌 上御晝講○兩司論金承寶李承豪推鞠依律事三啓
不允又啓申秀涇拿推事不允○夜乾方坤方巽方如火氣○
忠清道清州文義雷動

己亥 上御朝夕講○兩司論金承寶等推鞠依律再啓不允
又啓申秀涇拿推事不允○京畿觀察使金麟孫狀啓曰陽城
縣居李文琚去丙午年其子守永及其妻鶴今一時斷髮黥送
今者還來同居不無父子相殘之變係于綱常不可自本道推
之請差委京官窮極推考以懲大惡傳于政院曰速差京官詳
盡究覈可也○弘文館副提學元繼儉等上劄論金承寶等事
不允○夜月暈

庚子 上御朝講同知經筵事南世健曰臣竊聞頃者自上
引見王子駙馬於思政殿此實厚意美事而但其引見之日不